

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 246462 24 St
Zenica, 11.07.2025. godine

Općinski sud u Zenici, stečajni sudija Samra Spahić-Drino, u stečajnom postupku nad stečajnim dužnikom Društvo za proizvodnju namještaja, promet i usluge „DESIGN-EXPRESS“ d.o.o. Mrkotić-Tešanj, sa sjedištem na adresi Mrkotić bb, Mrkotić, Tešanj, matični registarski broj subjekta upisa 43-01-0442-17, kojeg zastupa punomoćnica Berina Bošnjak, advokat iz Tešnja, nakon održanog ročišta 12.02.2025. godine, kojem su prisustvovali privremeni stečajni upravnik Vehab Haris i punomoćnica predlagača Berina Bošnjak, van ročišta, dana 11.07.2025. godine donio je:

R J E Š E N J E

Otvara se i zaključuje stečajni postupak nad stečajnim dužnikom Društvo za proizvodnju namještaja, promet i usluge „DESIGN-EXPRESS“ d.o.o. Mrkotić-Tešanj, sa sjedištem na adresi Mrkotić bb, Mrkotić, Tešanj, matični registarski broj subjekta upisa 43-01-0442-17, zbog nepostojanja imovine dovoljne za pokriće troškova stečajnog postupka, te se nalaže brisanje ovog privrednog društva iz sudskog registra zavedenog pod matični registarski broj 43-01-0442-17, po pravomoćnosti ovoga rješenja.

O b r a z l o ž e n j e

Prijedlogom od 30.05.2024. godine predlagač Društvo za proizvodnju namještaja, promet i usluge „DESIGN-EXPRESS“ d.o.o. Mrkotić-Tešanj, podnio je ovom sudu prijedlog za otvaranje stečajnog postupka nad navedenim društvom zbog platežne nesposobnosti.

Rješenjem ovog suda od 05.11.2024. godine pokrenut je prethodni postupak za utvrđivanje uvjeta za otvaranje stečajnog postupka nad navedenim društvom, te je radi utvrđivanja uvjeta za otvaranje stečajnog postupka nad ovim društvom za privremenog stečajnog upravnika imenovan Vehab Haris iz Tešnja.

Iz Izvještaja privremenog stečajnog upravnika, koji je dostavljen sudu 04.12.2024. godine proizilazi da je izvršio obilazak mjesta koje je označeno kao sjedište firme kojom prilikom je utvrdio da na poslovnim prostorijama i prostoru nema natpisa koji bi upućivao da je na toj adresi sjedište firme, da je uspostavio kontakt sa licem ovlaštenim za zastupanje društva koji je ujedno i osnivač, da je prema prikupljenim podacima utvrdio da je društvo osnovano 2017. godine, da je poslovanje društva u potpunosti obustavljeno, a da je posljednje poslovne aktivnosti društvo ostvarilo 2022. godine, da direktor društva nije u radnom odnosu, te da društvo nema ni jednog zaposlenog radnika, da je 2023. godinu sačinjen kompletan godišnji finansijski izvještaj koji je dostavljen nadležnim institucijama, da društvo ima jedan transakcijski račun koji je blokiran, da društvo nema vlastito knjigovodstvo, niti zaključen ugovor sa knjigovodstvenom agencijom za obavljanje računovodstvenih poslova. Prema Bilansu stanja na dan 30.04.2024. godine utvrđeno je da se aktiva ili imovina društva sastoji od dugoročne imovine u iznosu od 2.980,00 KM koja se sastoji od postrojenja, opreme i namještaja u iznosu od 2.980,00 KM. Ta vrijednost je bila ista i na kraju 2023. godine, dok društvo nema ostale dugoročne imovine. Društvo nema kratkoročne imovine, nema zaliha, sirovina, materijala, roba, gotovih proizvoda, niti ima potraživanja od kupaca. Ukupan kapital društva iznosi 19.524,00 KM, odnosno utvrđen je gubitak iznad visine kapitala u iznosu od 19.524,00 KM. Kapital se sastoji od vlasničkog kapitala u iznosu od 1.000,00 KM i akumuliranog nepokrivenog gubitka iz ranijeg perioda u iznosu od 20.524,00 KM (iz 2023. godine). Pored toga, prema Bilansu stanja na dan 30.04.2024. godine utvrđena je ukupna pasiva ili obaveze društva u iznosu od 22.504,00 KM, te je struktura pasive sljedeća: kratkoročne obaveze u iznosu od 22.504,00 KM, koje se odnose na obaveze na porez na dobit u iznosu od 5.122,00 KM i ostale obaveze uključujući i razgraničenje u iznosu od 17.382,00 KM,

društvo nema iskazanih obaveza prema dobavljačima, kao ni dugoročnih finansijskih obaveza. Račun stečajnog dužnika je blokiran od 26.11.2019. godine, te je evidentirano aktivnih blokada (ukupno 17) u ukupnom iznosu od 46.712,95 KM. S obzirom da je stečajni dužnik platežno nesposoban, nastupili su razlozi za otvaranje stečajnog postupka nad stečajnim dužnikom u smislu člana 6. Zakona o stečaju. Konstatovano je da društvo nema nekretnina u svom vlasništvu, niti posjedu, kao ni motorno vozilo, niti druge imovine. Privremeni stečajni upravnik navodi da postoje razlozi za otvaranje stečajnog postupka, te da ne postoje nikakvi izgledi da se poslovanje stečajnog dužnika u cjelini ili djelimično nastavi, ali s druge strane stečajni dužnik nema imovine čijom prodajom bi se formirala stečajna masa za podmirenje troškova stečajnog postupka, te je predložio da se pozovu povjerioci i zainteresovana lica da u roku od 30 dana predlože otvaranje stečajnog postupka i uplate predujam za obezbjeđenje troškova stečajnog postupka. Privremeni stečajni upravnik je u posebnom izvještaju privremenog stečajnog upravnika o okolnostima iz člana 61. stav 2. tačka b) Zakona o stečaju od 02.12.2024. godine naveo da je račun stečajnog dužnika neprekidno blokiran od 26.11.2019. godine, da je stečajni dužnik platežno nesposoban iz dva razloga: jer duže od 60 dana neprekidno ne izmiruje svoje dospjele novčane obaveze i račun stečajnog dužnika je blokiran duže od 60 dana neprekidno, da je platežna nesposobnost stečajnog dužnika nastupila najkasnije 26.11.2019. godine jer stečajni dužnik od tog dana kao dana blokade računa, pa do dana podnošenja prijedloga za otvaranje stečaja, što je period od preko 60 dana neprekidno, ne izmiruje svoje dospjele novčane obaveze, što znači da stečajni dužnik odnosno organ ovlašten za zastupanje stečajnog dužnika nije podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik je na ročištu održanom 12.02.2025. godine ostao u cijelosti kod navoda iz izvještaja od 02.12.2024. godine, kao i kod navoda iz posebnog izvještaja od 02.12.2024. godine, ističući da stečajni dužnik nema imovine čijom bi se prodajom formirala stečajna masa za podmirenje troškova stečajnog postupka te da je njegovo stručno mišljenje da postoje razlozi za otvaranje stečajnog postupka i da ne postoje nikakvi izgledi da se poslovanje stečajnog dužnika u cjelini ili djelimično nastavi. Predlažio je da sud u skladu sa članom 102. st. 7. Zakona o stečaju javnim pozivom pozove povjerioce i zainteresovana lica da u roku od 30 dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka te da ukoliko u ostavljenom roku povjerioci i zainteresovana lica ne predlože otvaranje stečajnog postupka i ne uplate predujam, sud na osnovu člana 102. st. 8. ovog Zakona donese rješenje kojim će otvoriti i odmah zaključiti stečajni postupak nad privrednim društvom „DESIGN - EXPRESS“ d.o.o. Mrkotić-Tešanj i odrediti brisanje društva iz sudskog registra po pravosnažnosti istog. Na upit suda privremeni stečajni upravnik je izjavio da ne postoji imovina bez obzira na navod da postoji imovina društva u iznosu od 2.980,00 KM jer se radi o rashodovanom kancelarijskom namještaju, stolovima, stolicama, računaru i printeru koji su izgubili tržišnu vrijednost te su rashodovani tako da ne postoji imovina u bilo kojem obliku da se pokriju u bilo kojem iznosu troškovi otvaranja i vođenja stečajnog postupka koji bi po procjeni iznosili 4.000,00 KM.

Sud je donio odluku kao u izreci iz sljedećih razloga.

Odredbom člana 102. stav 6. Zakona o stečaju („Službene novine F BiH”, broj: 53/21) propisano je da stečajni sudija otvara stečajni postupak nad imovinom stečajnog dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna da namiri troškove postupka, dok je stav 7. istog člana propisano da ako imovina stečajnog dužnika ne pokriva troškove postupka, a prijedlog je dopušten i osnovan, stečajni sudija će javnim pozivom, objavljenim na oglasnoj tabli suda, web stranici suda - elektronskoj tabli suda i u „Službenim novinama Federacije BiH”, pozvati povjerioce i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka, u iznosu koji odredi stečajni sudija. Stavom 8. istog člana propisano je da ako u roku iz stava 7. ovog člana povjerioci i zainteresirana lica ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak.

Imajući u vidu prethodno navedeno, sud je primjenom odredbe člana 102. stav 7. Zakona o stečaju, rješenjem od 27.02.2025. godine pozvao povjerioce i zainteresovana lica da u roku od 30 dana od dana

objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 4.000,00 KM, te da po izvršenoj uplati predujma sudu dostave uplatnicu, kao dokaz da je uplata izvršena. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupku.

Rješenje ovog suda od 27.02.2025. godine objavljeno je na oglasnoj tabli suda 03.03.2025. godine, na web stranici suda 25.05.2025. godine i u „Službenim novinama Federacije BiH“ broj: 18/25 od 12.03.2025. godine.

Kako stečajni dužnik ima obaveze, dok nema imovine u dovoljno iznosu za namirenje troškova stečajnog postupka, a povjerioci i zainteresovana lica po proteku roka ostavljenog u rješenju donesenom od strane ovog suda nisu predložili otvaranje stečajnog postupka niti predujmili novčani iznos potreban za pokrivanje troškova stečajnog postupka, to je primjenom odredbe člana 102. stav 8. Zakona o stečajnom postupku, odlučeno kao u izreci ovog rješenja.

Shodno odredbi člana 108. i člana 204. stav 5. Zakona o stečaju, ovim rješenjem određen je upis rješenja o otvaranju i zaključenju stečajnog postupka koje uslijed nedostatka mase prestaje postojati, te brisanje ovog pravnog lica iz sudskog registra.

POUKA O PRAVNOM LIJEKU

Protiv ovog rješenja može se izjaviti žalba u roku od 8 dana od dana dostavljanja, Kantonalnom sudu u Zenici putem ovog suda u tri primjerka.

Stečajni sudija

Samra Spahić-Drino,s.r.